



Claudius Philips, Mighty Talent celebrando 25 año, como artista y Rey indiscutible di Calypso y Roadmarch.



voz” (autor Alex Odor y areglista Franklin Granadillo). El a logra un “standing ovacion” y a keda na segundo lugar. Awor despues di 25 año hasta nos por bisa cu esaki tabata e premiacion mas halto, cu un artista Antiyano of Arubiano a logra te awe.

Cu su presentacion den e festival di OTI, Claudius su mundo a dal un spin di 180 grado. Lamentablemente no tabatin contractnan internacional pero na henter Antiyas y Aruba el a bira popular. Esey tabata e inicio, via porta grandi, di su carera como artista.

Na e mesun año (1983) Claudius Philips, alias Mighty Talent a logra tambe, pa promer biaha, e titulo di Calypso King cu e cancion “The Surprise”. Na 1984 Mighty Talent a logra tur dos corona, esta esun di Calypso cu e cancion “ Cockfight” y esun di Roadmarch king cu e cancion “30 years fall down”. Den e 25 añanan cu a sigui, Claudius su presentacion tabata sublime y impactante. En resumen por wordo bisa cu e a

logra e corona di Calypso 17 biaha, mientras cu 12 biaha e la gana corona di Roadmarch. Den 10 ocasion el a sa di gana tanto Roadmarch y Calypso. Di 1995 pa 1998 Claudius a gana tres año consecutiva tur dos corona! Tabatin tres año cu Claudius no a participa na e festival y den un ocasion el a wordo descualifica, cu un tremendo Calypso “If I was president”.

Si den festival di OTI nos tabata papia di un cantante, den e transcurso di añanan Claudius a converti su mes den un “all around musician”. E ta compone, arregla, dirigi, toca, canta y entretene su publico manera ningun otro.

Su logronan riba tereno musical no conoce comparacion. Den e ultimo 25 añanan el a saca 7 CD farandulero, pues den nan no ta inclui su CDnan di Carnaval. Su promer CD tabata na 1993 “ Come to the island” Y su ultimo CD ta di 2002 “ Back at Last”. Tur su CD-nan semper tabata hopi pidi, pero esun cu a kibra tur record

ta sin duda algun su di dos CD esta “ Saca e Boem” y tambe “ Sigi Sigi”. Pa e dos CD-nan aki el a ricibi for di DISC Makers un Golden CD award. Pa e venta di e CD “Saca e Boem” el a logra tambe un “Platinum Award” Banda di tur e premiacionan aki Claudius a logra di wordo eligi como best singer, best composer, best song, musico di año, su banda a haya titulo di banda di año y mas. Titulonnan cu el a haya no solamente na Aruba, pero tambe na Corsow, Boneiro y tambe Hulanda.

Pues resumiendo mester reconoce cu Claudius den e ultimo 25 añanan a desaroya su mes den un musico di un caliber sumamente halto cu ta un ehempel pa tur eyfonan cu tin un sueño.

Di e forma aki, mi kier a rindi homenaje na un gran musico yiu di tera, cu semper a sa di laga e number di ARUBA keda resona, den mente y curazon di turista I Arubiano atravez di su musica alegre y inigualable. Claudius Pabien y hopi mas exito.

ORANJESTAD - E lo representa Antiyas na e songfestival di OTI (Organisacion de la Television Ibero-Americano) na Washington DC.

Manera ya ta conoci Claudius, no solamente a logra di keda eligi como e representante di Antiyas pa e festival di OTI, pero den su presentacion na Washington DC. a impresionar, teledidentenan y tur presente cu su cancion “ En cada nota sonara tu